



Broj: 01-02-
Ilidža,

Na osnovu člana 12. tačka 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13) i člana 29. alineja četvrta Odluke o osnivanju Javnog preduzeća za obavljanje komunalnih i drugih djelatnosti od javnog interesa općine Ilidža („Službene novine Kantona Sarajevo“, broj 18/15, 45/19), na prijedlog Komisije za izbor, imenovanja i pitanja ravnopravnosti spolova, Općinsko vijeće Ilidža na ___ redovnoj sjednici, održanoj dana _____. 2022. godine, donijelo je

**ODLUKU
O IZMJENI ODLUKE O IMENOVANJU PREDsjedNIKA I DVA ČLANA SKUPŠTINE
JAVNOG PREDUZETA ZA OBAVLJANJE KOMUNALNIH I DRUGIH DJELATNOSTI OD
JAVNOG INTERESA OPĆINE ILIDŽA „ILIDŽA“ DRUŠTVO SA OGRANIČENOM
ODGOVORNOŠĆU**

**I
(Izmjena tačke II)**

U Odluci o imenovanju predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću („Službene novine Kantona Sarajevo“, broj: 6/22) tačka II mijenja se i glasi:

„Predsjednik i članovi Skupštine preduzeća imaju pravo na mjesečnu naknadu za svoj rad i to:

- predsjednik Skupštine društva za svoj rad ima pravo na mjesečnu naknadu u neto iznosu koji odgovara visini od 15% osnovne mjesečne neto plaće direktora JP „Ilidža“ d.o.o.
- članovi Skupštine u pojedinačnom neto iznosu koji odgovara visini naknade predsjedniku Skupštine umanjenu za 25%“.

Sredstva za realizaciju ove odluke obezbjeđuje Javno preduzeće za obavljanje komunalnih i drugih djelatnosti od javnog interesa Općine Ilidža „ILIDŽA“ društvo sa ograničenom odgovornošću.

II

Ova odluka objavit će se u „Službenim novinama Kantona Sarajevo“.

PREDsjedAVAJUĆI

Tarik Stambolić, magistar poslovnog prava



DOSTAVLJENO:

1. Općinski načelnik
2. Imenovanim putem JP „Iliđa“ (3x)
3. JP „Iliđa“ d.o.o. (Trg branilaca Hrasnice bb)
4. Služba za razvoj, komunalne poslove i puteve
5. Služba za finansije
6. Pravobranilaštvo Općine Iliđa
7. Za objavu „SNKS“
8. Evidencija
9. a/a



O b r a z l o ž e n j e

Odlukom Općinskog vijeća o imenovanju predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću (Službene novine Kantona Sarajevo“,broj:6/22) izvršeno je imenovanje Skupštine JP „Ilidža“ d.o.o.

Tačkom II predmetne Odluke utvrđene su naknade za predsjednika i članove Skupštine preduzeća.

Skupština JP „Ilidža“ d.o.o. dana, 31.10.2022.godine obratila se Općinskom vijeću Ilidža – Komisiji za izbor, imenovanja i pitanja ravnopravnosti spolova sa prijedlogom za izmjenu predmetne Odluke u dijelu koji se odnosi na naknadu predsjednika i članova Skupštine.

Prijedlog se obrazlaže kako slijedi:

Na sjednici održanoj 26.10.2022.godine, Skupština društva je razmatrala i pitanje visine mjesečne naknade za rad predsjednika i članova Skupštine te je zaključila da bi s obzirom na poslove i zadatke kao i dogovornosti koje sa sobom nosi pozicija predsjednika i člana Skupštine jednog javnog preduzeća, te istovremeno uvažavajući uporednu praksu u Kantonu Sarajevo, bilo opravdano izmijeniti predmetnu odluku u dijelu tačke II i utvrditi visinu mjesečne naknade za rad predsjednika i dva člana Skupštine na isti način kako je to utvrđen Uredbom o određivanju visine plaće i naknada organa upravljanja i drugih organa institucija Kantona Sarajevo, kantonalnih preduzeća i javnih ustanova čiji je osnivač Kanton Sarajevo. S obzirom da u konkretnom slučaju nedostaje opći akt ili propis za javna preduzeća čiji su osnivači jedinice lokalne samouprave smatra se opravdanim da se na status članova organa upravljanja i visinu njihove naknade za rad primjenjuju isti pravni standardi koji važe na području Kantona Sarajevo, čime bi se u punom kapacitetu ispoštovao princip jednakosti, a istovremeno isključio bilo koji vid direktne ili indirektno diskriminacije. S toga se predlaže da se visina naknade za rad predsjednika i članova preduzeća Skupštine utvrdi na isti način i istom metodologijom kako je utvrđeno na kantonalnom nivou, odnosno za Kanton Sarajevo i to Uredbom o određivanju visine plaća i naknada organa upravljanja i drugih organa , insitucija Kantona Sarajevo, kantonalnih preduzeća i javnih ustanova čiji je osnivač Kanton Sarajevo.

Komisija za izbor, imenovanja i pitanja ravnopravnosti spolova je razmatrala dostavljeni prijedlog i utvrdila je da je isti osnovan, te predlaže Općinskom vijeću da prihvati prijedlog, te usvoji Odluku o izmjeni Odluke o imenovanju predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću kao u predloženom tekstu.





Prijedlog

**ODLUKA
O IZMJENI ODLUKE O IMENOVANJU PREDSJEDNIKA I DVA ČLANA SKUPŠTINE
JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD
JAVNOG INTERESA OPĆINE ILIDŽA „ILIDŽA“ DRUŠTVO SA OGRANIČENOM
ODGOVORNOŠĆU**

Nosilac izrade materijala:
Stručna služba za poslove Općinskog vijeća

Ilidža, novembar 2022.godine

